



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service

JIRIBAM / HMARKHAWLIEN

C/o Babita # 9862129273

GAS NEWS
 Agency : KIM JOE
 Booking : 10th. Jan., 2017 to 10th. FEB., 2017
 Delivery: 17-04-2017 (MON)
 Time : 8AM-till stock
 STOCK: 306

Hmasawanna Thar Vol - 32/180

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

Thingra an fak leiin nau-pang iemanizat Hospitalah



CCPUR: Zani sun dar 11 vel khan Hiangtam Lamka Mission naupang 8 Thingra (Singdol) an fak leiin Hospital panpu an ni a, thenkhat Children Ward-ah admit an nih. Hi thingra an fak leia hospital panpuia um hai chu Pausuan (13), Liangghai-mawi (9), Ningthainhoih (8), Chingremmawi (5), Khamgoukual (12), Lalzokim (9), lianneiching (5) le Chinmuangin hai an nih. Hieng naupang hai hin thingra an fak zo sawtnawte hnungin an phing an sawisel bakah an inluok a, an tha a hung zawi nia hril a nih. Naupang hai hin Badam an fak leia hienga

um niin an hril lei a, chu taka inthawk thingdawl ra an fak leia hienganga buoi an nih ti an nu le pa han an hung hriesuok a nih. Hospital panpu an ni hnungin Doctor le nurse han inrang taka buoiuini Glucose an khai nglhal a, an inluok thei lei hin damnav inrik taluo chu an um naw a, sienkhawm mi 5 hai chu Children Ward-ah admit an nih. Thingdawl (singdol) ra hi an hmui ham leiin naupang hai hin fak thei nia an ring leia an fak a nih. Naupang 8 hai hi bieltu MDC le EM Thangkho-suanmung Guite nuhmei chun Rs. 200/- sengin a en tawl.

JACAATB in hrilfienna an siem

CCPUR: Joint Action Committee-Against Anti Tribal Bill (JAC-AATB) chun sawrkar le inbiakna nei huna Charter of Demands an pek chungchanga thungthang dang dang inleung le inzawmin zani hmasa khan thusuok siemin hrilfienna an siem. An thusuoka chun, Manipur-a BJP inrawinaa coalition sarwkar thar in Bill pathum hai leia buoina chungthua inremna a um theina dinga inbiak dinga a fiel dungzuin Tribal Society sunga thuoiu tum tum hail eh consultation chawlkarkhart sung vawi iemanizat inrawntlangna neia um thangsana March 28, 2017 nia JAC in Charter of Demand siema, JAC thanga MZP, UZO, STC, TCU le YPA thuoiutuhai remtipuina dungzuin April 2, 2017 khan Manipur Chief Minister N. Biren Singh kuoma an peklut a ni thu an ziek a. Hi le inzawm hin JAC inrawinain April 7, 2017 khan Manipur Chief Minister inrawinain April 7, 2017 khan Manipur Chief Minister inrawinain April 7, 2017 khan Manipur Chief Minister inrawinain April 7, 2017

ding; Ministry of Home Affairs in "Local adjustment" a ti chungthuah Manipur sawrkar a indawna an siem an hmatienga dawna a pek ding; tlangmi hai hrietpui lovin tlangram tawking Bill hrim hrim Manipur Legislative Assembly in pass naw nih ti ziek ngeia intienna a pek ding; roinrelna remchanglem a um theina dingin Lamka District siem ding le Manipur a Manipur Land Revenue & Land Reforms (MLR & LR) Act 1960 a ni ang anga hmang nawk ding; pasaltha le hlienna tuok hai thanguina pek ding le August 31 chu State Holiday a puong ding ti hai an Charter of Demands ah an zieklang thusuoka chun an ziek. Hi chungthua hin inbiakna nei hmasak tumin CM chun silai chawi pawl tum tum hail eh sawrkarin inbiakna an nei a fe mek leiin Sixth Schedule thu le MLR & LR Act a ni an ganga hmang chu thil thei a ninaw inhricttir sienkhawm Charter of Demand-ah inziel dang hai chu hniel a nei hnan naw thu; April 10, 2017 a inbiakna nei nawk -suzawmna Page 2-ah

EASTER SUNDAY CHAWL

Easter Sunday chawl leiin vawisun hin Hmasawanna Thar Office khar ning a tih. Hi lei hin April 17, 2017 in Hmasawanna Thar hung suok naw ni a, April 18, 2017 a inthawk hung suok tan nawk a tih.

-Editor & Publisher, Hmasawanna Thar Daily

HT weekly-toon



Contributed by: LRS Puroitla
 "Separate Administration, Separate State... an sam, an sam nama'n... an ngaldan, an ditdan hai an separate vawng sawrkar-pa lu chu an suk hai bak ell Naupang thil ngen khawm an hawi ie... hei en pei ei ta... inhmaw loin hma lang ei tiu..."

Health & FW, Law & Legislative Affairs, Art & Culture le CADA Minister L.Jayantakumar in inbanna lekha CM kuomah a pek; CM N. Biren Singh Bhubhaneshwar-ah a cham mek

IMPHAL: Thla khat chawupa, N.Biren Singh Chief Minister Manipur ninale BJP thuoina hnuoia Manipur a coalition Government chun harsatna a tuok tan. Health & Family Welfare, Law & Legislative Affairs, Art & Culture le CADA Minister L.Jayantakumar Singh chun lungawinawna a nei leiin April 14, 2017(Good Friday) khan minister a nina inthawka an banna lekha Chief Minister N.Biren Singh kuomah a pek. L.Jayantakumar Singh hi CM kuomah fein ama kut ngeiin an banna lekha



hi CM kutah a pek niin ei thu dawngna chun a hril L.Jayantakumar Singh hin an banna san tak hi a la hril nuom naw a, Chief Minister khuol inzin Imphal a hungtlung pha leh kimchang takin chanchinbuminhai hmaah a hril ka tih tiin L.Jayantakumar Singh chun zanita Imphal-a chanchinbuminhai an hmu-pui huna a hril. An banna san hi la hriltlang naw sienkhawm Dr.O.Ibomcha Singh, Director, Medical & Health Services, Manipur a sin a inthawka suspended-a a umna le inzawmna nei ni

N.Biren Singh hi March 15, 2017 a Manipur CM thar dinga sesamna nei a ni a. Ama le inruol hin mi 8 in Cabinet Minister dinga sesamna an nei ve a nih. Chun March 23, 2017 khan cabinet minister 3 belsaa a ministry suklien a ni bakah mi 12 Parliamentary Secretaries dingin CM hin sesamna a office-ah an neitir a nih. N.Biren Singh Ministry a hin Cabinet Ministers 12, Parliamentary Secretaries 12, Corporation Chairman 5, Assembly Speaker le HAC Chairman hai an um mek a nih. Tuta 11th Manipur Legislative Assembly a party tum tum MLA neizat chu BJP 21, NPP 4, NPF-4, LJP 1, AITC 1, Independent 1 le Congress 27 an nih. L.Jayantakumar Singh hi NPP a mi a nih. NPP a mi tho, tuta Dy. CM chel lai mek Y. Joykumar Singh khawm a chanvo chelah a lungawi tawk naw nia hril rik a nih. Home Minister chanvo a chel nuom a, sienkhawm pek a ni naw a, Home Minister chanvo hi CM N.Biren Singh in a chel a nih

ADC in District MLA hai lawmpuina le bufakpuina an nei



CCPUR: ADC, CCPur chun zani zantieng 1:00PM khan District Council Hall, ADC Office, Tuibong hmuna 11th Manipur Legislative Assembly Election huna CCPur District-a inthawka MLA dinga thlangting thar hai lawmpuina le Siel pakhat thatin bufakpuina an nei. Hi hun hmangna hi Genekhup, EM, ADCC in an rawi a, Puntulthang, MDC, Sangikot in tawng-tainain hun a hawng a, Lal Hossan, Vice Chairman in lawmluna thucha a hril a, Soimilian Lengen, CEO/ADCC inrawinain thilpek inhlanna hun an nei a, Langkhanpau Guite, Chairman, ADCC in lawmpuina hun hmang

leiin ama khawm Ruling a thang le Congress chu Opposition-a um a ni thu a hril a, sienkhawm District hmasawna dingin thanguol a tul thu a hril. TN. Haokip chun, MPCC chun Congress in Opposition hrattak um loa kum 15 rorelna an lo chel a ni leiin thawsuol khawm nei ngei an tih. Sienkhawm thawsuol an nei hai hrietpui dingin ngenna a siem a, thiltha le hmasawna dinga mitin thanguol dingin a ngen. Dr Chaltonien Amo chun, CCPur-ah Ruling MLA 3 le Opposition MLA 3 an um a, Opposition han an lo thaw nasa khawm a lo ni thei, sienkhawm eini kara chu thanguol dan thiem a, midang hmu dinga intheida dan khawm thiem a pawimaw ding a nih tiin a hril. Ginsuanhau chun, District Council in Siel that meua lawmpuina program an siem chu thawdan thiem a ti hle thu, Delhi tieng hai hriet loin district hmasawna dinga MLA hai thataka ei thanguol thiem a pawimaw tiin a hril.

Aihang khuoah Mini-Stadium bawl ding



IMPHAL: Aihang Village, Chandel District khaw mipui han zani khan an khuoah Letpao Haokip in IFCD & YAS Minister chanvo a chang chu an lawmpui. Hi lawmna inkhawmna Letpao Haokip in thu a hril naa chun, tuta inthawk hun sawtnawte hnungah NLCPR hnuoia Rs 50 crore sengin Mini-Stadium bawl ning a tih tiin a hril. Chun, hi lai biela poppy chingthuhai popo chu an poppy ching tawpsan a, poppy aini Lemongrass ching ta lem dingin a ngen tawl. Hi thil le inzawm hin Awareness Program buotsai la ning a tih tiin Letpao Haokip chun a hril bawk.

CAF & PD Minister in a va sir

IMPHAL: Zanikhan Revenue, CAF & PD minister Karam Shyam chu Lamsang A/C sunga Mayang Langjing Taning le Haorang Sabal hmun hai a va sir a, hi lai hmuang chenghai an hmuipui a, an haratna an mamaw le nuorna thu hai Revenue, CAF & PD minister kuoma hin an lo hril tawl. Minister hi Lamsang A/C MLA le Chairman, State Planning Board S. Rajen Singh in an zui ve. Hi lai biel hi kum 20 liemta kha sawrkar hmasa han ram nei lo hai kuma an lo pek a ni a, Patta an nei mumal naw leiin leiman anpek naw a, hi lei hin State sawrkarin Sie an hmang

Selection Committee meeting hun sawn

CCPUR: Manipur sawrkar Order No. 1/1/90-FCS (Pt-II) dated 14-12-2014 dungzuia Fair Price Shop Dealers le S.K. Oil Sub-Dealers chungchanga District Level Selection and Appointment Committee ding ruot fel a nita le inzawm 17-04-2017, 11AM a Committee meeting nei dinga ti chu 18-04-2017, 11AM a nei lem

Hmeithai ni 4 sung khuopde

AIZAWL: Edenthar Veng, Aizawla ama khat chawupa cheng hmeithai pakhat K.Thanchungnungi chu misuol le rukru pathumin a chengna inah an va rawk a, hruiia khuopdein an maksan, ni 4 hnungah hienga a um hi hmu le hriet suok chau a nih. Good Friday tuk(14-4-2017) khan pasal pakhatin a va hmu a, chu taka inthawk chun khuopdea a umna hi sut a nih. Ni 4 sung chu bu fa lo le tui dawn lovin a lo um hman a nih. A va rawkta le khuopdetu hi pasal 3, hmai intuom an ni a, an hmel ding awm a hriet thei naw niin a hril.

North Korea le US indona suok that thei zing ngirhmuna a um mek

PYONGYANG: Inti rorum deu le nuclear ralthuom leia inti huo North Korea President Kim Jong-Un chun kum 5 lai UN Security Council thupek inza lova nuclear missile ensin zinga an hrosa zing lain, thlang tieng rama inthawkin ro rum tak US President thar Donald John Trump a hung inlal ve tah leiin boruok a sosang deu deu a. Hi ram pahnihai kara indona chu iengtiklakhawma suok el thei zing a ni tah, tiin UN le political observer hai chun an hril.



Korea chun ieng ang inrunna khawm nisienla, "Keini style-a nuclear attack hmangin" kan beilet ve ding a nih, tiin an hrosa a. US-in a kap chara kap ve nglhal thei dingin an ring zing niin a hril. Hienglai zing hin North Korea ruol umsun China chun, thil umdanin "keikir thei ta lo le siemthat nawk thei ta lo ngirhmun" a tlung hma ngeia insukdei vat dingin a ngen ve ve. Chinese Foreign Minister Wang Yi chun, "A tu tu khawm inhosaa inchothu ta lo dingin kan ngen a. Indona suok el thei dingin a um zing



A sipai tha hratna suklangin America chu a cho a nih. North Korea hin UN Security Council thupek inza lovin missile le nuclear ralthuom a ensin zing a. America khawmuolpui chen kap phak ding Intercontinental Ballistic Missile (ICBM) khawm siem suok a tum a, chu chu nei tain an hril bawk a nih. South Korea khawmin tuta tuma an ralthuom suklanga hin ICBM thar khawm a thang niin a hril. Korean People's Army-a General Staff chun, "America-in DPRK le a mipuihai political, economic le military hmanga a mi beina ang ang chu a let tamtakin, a nat thei ang taka beiletinain kan thung ding a nih. America le a tui sipaihai (vassal forces) kan bei nasat dan ding chu ngir suok nawk thei ta thak lo dingin kan sawisak ding a nih" tiin an hrosa. US chun North Korea laka "zaidaw" zing chu a thei ta naw thu a lo hril ve a. "Zaidaw taka tosan zing hun a pel tah" tiin a hril ve a. Kar hni liemta sung khawm khan President Trump chun sipai hratna hmanga bei a nuom thu vawi tam a suklang tah a. A takin a thaw ngei a. Syria

rama chemical weapons hmangtu nia a hriet President Assad rawihai a bomb a. Afghanistan-a Islamic State hai umna puk suksetna dingin "mother of all bombs" a ti chu a thlak bawk a. North Korea khawm a bei nuom zing thu a hril bawk. Hi lai biela inremna le muongna a um theina ding le indona pumpel dan lampui dap ding le, North Korea hmalakna dang dan ding iem ning a ta tihai ngaituo dingin Vice President Mike Pence chu Pathienni hin ni 10 cham dingin South Korea tul a tih. Thu hmanga thil sukfel thei a ni naw chun, US chun a tul chun tharum hmang a nuom zing tah a nih, tiin White House thusuok chun a hril bawk. Hienglai zing hin political observer tamtak chun tulaia thil umdan enin UN Security Council chu umzie bo a ni ta a, rambung le rambung kara buoina vengtu ding khawma ringzo a um tanaw leiin indona hi suok nawng a tih ti thei an tah nawh, tiin an hril.

LAKTAWI

Nuhmei naupai lai Private hospital sawng 8-naa in-thawk a tla hlum

THIRUVANANTHAPURAM: Keral-a Murinjapalam a chun zani zingkar inhmatak khan thla 8 mi nau pai lai Ms Reshmi Gopal (32) chu Medical College Hospital sawng 8 naa inthawk tla thlain a thi. Reshmi Gopal hi harsatsatna a nei leia hospital-a admit a nih. Reshmi hi Thiruvananthapuram-a Pangappara khaw mi niin Kerala Legislative Assembly thawktu nia hril a nih. A thi dan chie hi chieng taka hriet a ninaw a, suizui mek a nih.

CRPF han IED kg. 2 a rik an dapdaw

SUKMA: Central Reserve Police Force (CRPF) chun zanikhan Sukma district-a Polampalli village-ah Improved Explosive Device (IED) bomb kg. 2 vel dinga rik an dapdaw a, puok thei lo dingan an suksit. Bomb hi Naxalites helpawl hai kam a nih.

ASI thisa ruong Rel lampuia hmu

AMBALA: Zanikhan Ambala Cantonment bul, Ambala-Delhi inkar Rel lampuia Assistant Sub-Inspector (ASI) Balwan Singh of Sonapat district thisa ruong hmu a nih.

Balwan hi official duty-a Delhi fe a ni a, zani zhan khar Rel-a chuongin In a hung kir tieng Rel-a inthawk a tla thla a, chu hung Rel dang hung tlan pakhatin a rawt a nih tiin Police chun an hril. A thi thu hi a sung hai inhrietir an ni ta bakah post-mortem thanw dingin Police han Civil Hospital-ah an thawn. (PTI)

Naxals han mi pakhat an kap hlum, motor an raw

LAKSHISARAI: Naxalites helpawl han zani zingkar inhma tak khar Bihar-a Lakhisarai district-a Batanpur village-ah JCB driver pakhat an that bakah Tractor 1, Truck 5, JCB 1 le motorcycle pakhat an raw niin Superintendent of Police Ashok Kumar chun a hril. Tax dawlna chungthu le inzawma hieng thil I an thaw ni dinga ring a nih tiin Police thusuok chun ahril. Naxals han an that JCB driver hi Rajesh Bind (24) a nih.

Punjab in Red Beacon khapna thupek an suo

CHANDIGARH: Punjab sawrkarin VIP culture sukbo tumna le inzawmin zanikhan formal takin VIP motor haiah Red Beacon hmng khapna thupek an suo. Department of Transport in section 108 of Central Motor Vehicles Rules, 1989 dungzuia thupek hi an suo a nih. Khapna thupek insuoa um dungzui hin Punjab Governor, Chief Justice le Punjab le Haryana High Court haia Judges hai le milien thenkhat chauin red light with flasher an inbuk thei ta ding a nih.

Hienghai baka hin General Administration (Protocol Branch) motor 4 haiah red light with flasher hmang thei an ta, hieng motor hai Escort vehicles han blue light le flasher hmang thei baw an th.

CM in websites 2 a hawng

IMPHAL: April 14, 2017 khan Manipur CM N. Biren Singh chun Manipur State e-governance suk hmasawna dingin a Office hmuna website 2 a hawng. Websites a hawngai chu Anti-Corruption Cell a ding www.acmanipur.in le www.ppmonitor.in hai an nih. Hi Website DARPAN hi Planning Department, Govt. of Manipur in an siem a nih. A thiltum chu Manipur a projects tum tum, State sawrkarin a thaw hai chun-

NPP Ntl. VP dingin Phungzathang

IMPHAL: April 11, 2017 khan New Delhi-ah National Peoples Party (NPP) Central Executive meeting nei a ni a, NPP National President chun Phungzathang Tonsing chu NPP National Vice President in a ruot. Hi le inzam hin NPP chun April 12, 2017 khan Order No. NPP/HQ/ORG-91/2017 an suo.

National le State Level a Senior le Experiences nei a ni leia NPP National Vice President dinga ruot nia hril a nih. Manipur a lem chu Rishang Keishing dawttu nia hril a ni baw. Phungzathang Tonsing hin kum 1995 a inthawk term hni MPCC Presi-

gthu le an ngirhmun hriet theina ding a nih. Corruption um lo Manipur le thil iengkim inlangtlang taka hmu theina dinga hieng website-hai hi hawng a nih. PM Modi chun "Digital India" campaign a thaw tan ta a, Manipur a sawrkar thar khawmin hi dungzui hin "Digital Manipur" Campaign hi a hung tan ve a nih. Developmental projects enkaito ding le corruption dona ding a nih tiin N. Biren Singh chun a hril.

dent a lo chel ta a nih. Kum 1973 in Politics-ah a lut tan a, khingtu um lovin MDC a tling a, 1976 in Chairman, ADC, CCPur a chel a. Kum 1980 a inthawk term 6 zet MLA a thlangtling a ni a, Minitar chawno chelin a um a, sienkhawm a san hriet lovin April 10, 2016 khan khan minister a ninaw inthawk ban a ni a, sienkhawm O.Ibobi Singh le Congress party a sawisel chuonng nawh. Kum 1988 a Assembly election-ah AICC Observer, Mizoram ruot a nih. National Vice President a nina hin Manipur politics-ah thil tha a hung intun beisei a nih tiin ei thu dawngna chun a hril.

ZMA GHQ in Thanlon MLA lawmpuina

CCPUR: Zomi Mothers Association (ZMA) GHQ chun zani sun dar 12:30 khan an President Vungmuanchin inrawinain Executive Member iemanizat han 56-Thanlon A/C a inthawk MLA dinga

thlangtling nawk Vungzagin Valte, Chairman, MDTC chu Niangzen Khualbuk, Dorcas Veng, New Lamka-a a chengnainah lawmpuina an hang nei a, Zomi Puondum insiltirna an nei.

MBA in an lungawinaw thu an hril

IMPHAL: Advocate General, Manipur sin a ruok mek a. Hi sin hi State sawrkr chun State dang mi kuomah pek tumin hma a lak nia an hriet leiin Manipur Bar Association (MBA) chu a lawmnaw

hle a, hi chungthua hin an lungawinaw thu an puonglang. Tuta hma khan chu Advocate General, manipur sin hi Manipur-a Advocate senior hai kuomah pek le incheitir a lo ni hlak.

Buyers Seller Meet-cum-wokshop

IMPHAL: April 17, 2017, 10:00AM khin City Convention Centre, Imphal hmuna Manipur Organic Mission Agency (MOMA), Dept. of Horticulture and Soil Conservation, Manipur huoihawtnain 2 Days Buyer Seller Meet-cum-Workshop for Agriculture and Horticulture Products, with Special Focus on Organic Products of Manipur tan ning a tuh. Hi huna hin Th. Shyamkumar, Minister (Hort & Soil Con-

servation, Forest & Environment and MAHUD), Govt. of Manipur khuollienin thang a ta, O. Nabakishore, IAS, Chief Secretary, Manipur functional president le Dr M. Premjit Singh, Vice Chancellor, CAU; I. Rani Kumudini, IAS, Jt. Secretary, INM Division, Ministry of Agri & Farmers Welfare, GOI le Dr N. Prakash, Jt. Director, ICAR, Manipur centre hai Guest of Honours in thang an th.

Karnataka-ah khawlum tuor lovin kum 13 mi a thi

KOPPAL: Karnataka-a Koppal district sunga Jammalapur Gram Panchayat huopsunga Saswihal village a chun zani hmasa khan pasal naupang kum 13 mi Daddabasappa chu khawlum tuorzo lovin a nih. Daddabasappa hi Zirtawpni khan an school-a mid-day

meal an fak zovin In an lawi a, an In ranga inchung sunga zal chu khaw hrelowa a um leiin Primary Health Centre, Tavaragera panpui a ni a, sienkhawm doctor han Kusthagi taluk Hospital tieng an refer a, hi hospital panpui a ni lai mek damzo lovin a thi a nih.

Engineering student 7 tuiah an tla hlum

SINDHURGURG: Zanikhan Maharashtra-a Sindhurg district a Wairy beach a chun Belgaum Engineering College-a in-chuklai 7 thangin mi 8 hai chu tuipuah an tla hlum. College picnic-a an fe huna

hi thil hi tung a nih. Mi 3 hai chu Ngamantu han damin an sansuok a, Hospital-ah admit an nih. Tuipua tlahlum hai laia pakhat chu teacher a ni a, student thi hai laia 3 chu nuhmei an ni a, 4 hai chu pasal an nih.

CBSE in Publisher chung a FIR

NEW DELHI: Central Board of Secondary Education (CBSE) chun Class XII Physical Education Course syllabus-a thlalak mawilo an inchuon na thuah indecent representation of women (Prohibition) Act 1986

hnuoiyah a publisher chu FIR an file khum. Hi lekhabu chungthua hin complaint tamtak an dawng thu CBSE chun a hril a, hi lekhabu sutna thua hin CBSE chun inhnawhawina iengkhawm a neinaw thu a hril.

US bomb strike a thi 94 an tling tah

KABUL: US in bomb hrat chi Massive Ordnance Air Blast bomb (MOAB), Mother of All Bombs tia ko Afghanistan rama Achin district sunga Nangarhar hmuna a thlakleia IS terrorist thina tuok chu 94 an tling ta niin Achin

province Governor Ismail Shinwary chun a hril. MOAB hi Nuclear bomb ni loa chun khawvela bomb um laia bomb hrat taka ngai a ni a, hi bomb thlakna hmun hi IS terrorist hai in-bikrukna hmunpui tak nia ngaina hmun a nih.

Afghanistan-a bomb puokah mi 11 an thi

KANDAHAR: Zani hmasa khan Afghanistan-a Helmand province sung Nawa district-a Lashkar Gah hmuna lampui sira bomb kam chu hin pakhatin a chilpuok leiin civil mi 11 in thina an tuok niin government spokesman Omar Zhwak chun a hril. Bomb puok

hi a hrat hle a, Van a chuonng po chu an thi vawng a nih. Kum 2016 khan Afghanistan rama hin civil mi 11,500 velin thina an tuok ka, naupang hmun thuma thea hmunkhat vel an thi annawleh hliemna an tuok niin United Nations report chun a hril.

UI INHMANG ZAWNGNA

Kan Ui dum thla 4 a upa April 11, 2017 a inthawk khan kan inhmang a, tuchen hin a hung inlawi tanaw leiin a hmu in lo um chun lunginsiet taka mi hung pekir nawk dingin kan hung ngen cheu. A hmutu chun Mobile phone No. 9856082467 ah mi hung inhrietir inla lawm ngawt ka ti.

Sd/- L. Kiemlo Pulamte Peace Lane (Luoiya Veng)

Bihar-ah kum 25 mi a ringa tanbawng

PATNA: Bihar-a Samastipur district-a chun zani hmasa khan RJD leader le minister hlui Ramashray Sahni naupasal 3 han pasal kum 25 mi Jagdish Sahni chu a ringah an athlum nia intum a nih. Hi thil tung le inzawm hin RJD leader Sahni naupasal pathum-Mukesh, Sunil le Abhishek bakah midang 6 hai chungah Police han FIR an file.

Mr Jagdish Sahni ruong hi Bhamrupur village-a Jamuar vadung bula Lo lai hmu a ni a, a lu an tan-

bawngna hi zawng mek a ni a, hmu a la ni nawh. Jagdish Sahni hi a thuumhnaw inbel haia inthawk a nina le hmng hrietsuok theia um chau a la nih. A ring tanbawng le sukhuma um Jagdish Sahni hi mi pasie, nitina inhlawfa a ni a, rothil chungthuah buoia leia hi thil hi tung a ni a, RJD leader naupasal pathum hai hi an tlanhmang leiin man an la ninaw a, hi thil tunga intum Suresh Mahto chu man a nitah. (PTI)

Rajya Rani Express Rel coaches 8 an letthlu


NEW DELHI: Zanikhan Meerut-Lucknow inkar a tlan Rajya Rani Express Rel chu Uttar Pradesh-a Rampur bul lai changsuolin a coaches 8 zet an letthlu a, passenger 2 in hliemna an tuok niin railway official thusuok chun a hril. Hi thil tung hi enquiry thaw dingin Railway Minister Suresh Prabhu chun Order an suo bakah senior officials hai chu thil umdan a hmun neigia enfel dinga an hrietir angin senior official han hi thil tungna hmun hi panin an enfel mek. Hi Rel eksiden-a suksuoltuhai chunga ac-



tion lak ngei a ni ding thu minister chun a hril. Railway Minister Suresh Prabhu le Uttar Pradesh Chief Minister Yogi Adityanath hai chun hi Rel eksiden-a hliemna tuok hai kuomah thangpuina Rs. 50,000 seng pek an ni ding thu an puong. Rel eksiden tung hun hi zani zingkar dar 8:15 vel kha nia hril a nih. (PTI)

NC Chief Farooq in hratna chang J&K Governor Rule a sie dingin a phut

SRINAGAR: Jammu and Kashmir-a Srinagar Lok Sabha byelection a chun National Conference (NC) thuoitu Farooq Abdullah chun hratna a chang a, a ma hnaitak sawrkrana siemtu PDP candidate Nazir Khan chu votes 10,700 in a hne. LS byelection hi April 9, 2017 a kha nei a ni a, voter 7.13 percent chauin vote an thlak a, tharum insuona tung leiin Polling stations 38 haiah vote thlak that a nih.



Farooq hi Lok Sabha MP dinga thlangtlinga a um a tum tumna a ni tah. Tuta hma kum 1980 le 2009 hai khawm khan thlangtling a lo ni tah. National Conference (NC) President Farooq Abdullah chun hratna a chang le inzawm hin zanikhan Jammu and Kash-

mir a PDP le BJP thangruol sawrkr chu election ral-muong taka huoihawt thei lo tia intimin sawrkar chu thiek a, Jammu and Kashmir chu President Rule hnuoiyah sie dingin a phut.

Tuta tuma Jammu and Kashmir-a byelection neia um chu election-a thisen insuona nasat tum tak (bloodiest) a ni a, vote tla percent tlawng tum tak a ni bawkt tiin a hril. State sawrkr chu dan le thupek enkawlna thuah a hlawsam let der a nih tin a hril bawkt.

Ni ni 2 sung aw BJP National Executive meet

BHUBANESWAR: Ni 2 sung aw ding BJP National Executive meeting chu zani zantieng khan Odisha khawpui Bhubaneswar-a Janata Maidan hmuna tan a nih. Prime Minister Narendra Modi, President Amit Shah, Finance Minister Arun Jaitley le senior leader L.K.

Advini han candle sitvrananein meeting hi tan a nih. BJP National Executive meeting huna hin BJP Mission 2019 finalized an thaw ring a nih tiin ei thu dawngna chun a hril a. Hi baka hin Government schemes tum tum hai chungthu, state hran hrana party hmalak dan ding

hai hriitlang ni dinga ring a nih. Senior party leader Ravi Shankar Prasad chun, September, 2017 thla chena khin President Amit Shah chun India ram hmun tum tum sirkul dingin ni 95 sung nationwide tor a nei ding thu a hril.

Easter Sunday hmangna sukbuoi tumtu Security forces han an kap hlum

LAHORE: Pakistan-a chun Security Forces han April 16, 2017 (vawisun) a Easter Sunday hmangna sukbuoi tumtu helpawl pakhat an kap hlum bakah helpawl dang 2 an man. Mana um hai laia pakhat chu nuhmei a nih.

based Operation) an thawnawh helpawhai le hin an inkaptuo a, chu huna helpawl pakhat hi kaplum le midang 2 an man a nih. Hieng terrorist hai hin Lahore hmuna Easter Sunday hmangna sukbuoi an tum niin security thusuok chun a hril.

Pakistan Rangers le Police han Punjab Housing Society, Lahore hmuna Special IBO (Intelligence

Kum 2017 khan Lahore-a Iqbal Park hmuna

Christian sakhuo zuitu han Easter Sunday an hmangna hunah terrorist han naupang inhnelna hmuna laia bomb hrat takel an sukpuok leiin mi 72 in thina an tuok bakah midang zatelin hliemna an lo tuok ta a nih. Kha tuma bomb sukpuoktu kha Pakistan Taliban a inthawka suokdawkt Jamaat-ul-Ahrar pawl an nih.

NFL player hlui Todd Heap in a naunu Truck in a rawthlum pal



ARIZONA: NFL player hlui Todd Heap (37) chun zani hmasa zantieng khan Arizona hmuna an chengna in compound sungah a naunu kum 3 mi chu Truck in a rawthlum pal. Todd Heap hi Baltimore Ravens le Arizona Cardinal haia lo khel hlak a ni a, a

lieu a ni thu an hril. Mr Heap hi Arizona State University-a lekha lo inchuk, kum 2001 a inthawk Baltimore Ravens lut le Baltimore Ravens ta dinga seasons 10 zet lo khel ta le Arizona Cardinals ta dinga season 2 a khel hnunga kum 2013 -a lo retired ta a nih. A retired hnung hin charitable foundation indinin damnaw le sawmdawltu neilo naupang hai sawmdawlna dingin fund a zawng hlak a, kum 2010 khan Baltimore hmuna Todd Heap Family Pediatric Center an din nghe nghe a nih. (news.com.au)

TEACHERS REQUIRED

J.H. Light Dream English School, Phunchawng Veng, Aizawl, Mizoram is looking for Primary teachers for immediate appointment. Interested person may contact the undersign along with require documents latest by April 20, 2017. Preference will be given to those who can teache Hindi.

Qualification : 12 & above, fluent in English. Pay : Rs. 5000 per month+ Yearly increment House Rent : Free, TA: Applicable

Sd/- Managing Board Contact Nos. 9089881670/ 8014145108

INDEPENDENT KOHRAN HLA BU SUT HLUI DIT A NIH

Independent Kohran Hla Bu hi kum 1923 kuma sut tan niin, kum 1992 chena khan vawi 9 sut a ni tah a. (Kum 1957 chena khan vawi 5 sut a ni tah) Kum 1957 le a hmatiang sut copy dit a nih a. Copy lo la kawl ei um chun, inbiek remna angin, a man to deu hlek khawma inchwak ka nuom a. I zawr phalnaw a ni khawma lo Xerox ka ta, i lungawina tawkt sum pe'ng ka che.

Dt 15th April 2017. Sd/- H. Zaneisang, Rengka, Churachandpur. Phone 9862065735.



MIPUI KUOMA INHRIETTIRNA

The 27th Hmar Martyrs' Day -cum- 14th State Level Hmar Martyrs' Trophy fe mek le inzawmin football pet ennuom a um tanin a en nuom ei tam deu deu tah a, thungna ei indai tanaw a, mi inzaum le officer hai thungna pek bik an hawi naw leiin HMARTOB thangpuina dingin Season Chair Ticket copy 100 chau siem ani a. A Board hai thungna area laia thung nuom hai chun Rs 1000/- a inchwak thei ning a ta, hi hi Semi Final chena inhawti taka chair-a thungna football inkel en thei ning a ta, ticket i chawi naw chun mi naran thungna ah inthung ngai a ti.

Issued by: Information & Publicity Dept HMARTOB



HMAR NUHMEIHAI KUOMA INHRIETTIRNA

13th April 2017 Hmar Women Association-GHQ Executive meeting thurel angin 2017-2020 (Kum thum) sunga Hmar Women Association-General Headquarters a thuoitu ding inthlangna a hnuoiyah hun le hmuna hin ruot a nih. Chun, hi hun a palaia thang thei ding hai chun an membership 2016 chen ami Headquarter a an submit ngei ding a nih. 50% rel ta sa angin Membership fee pelo hai mimal/ Unit hai candidate/Vote nei thei bawkt naw ni hai. A hun: 27.04.2017 (Ningani 10:30 am) A hmun: H.L Daka Memorial Hall (HSA Campus, Rengka Road)

Inthlangna hi HWA Constitution dungzuia nei ning a ti. 1. Palai intirdan - Articles 7. Clause II (e&f) 2. Inthlang Dan - Article 8. Clause I (iv) (a-f) PS : Hi a chungna inthlangna ni le hun hi hrietlawk lo remchangawna thil a um an chun sukdanglam thei ning a ti. 1. Palai dinghai chu mani kalman Unit tinin intum ding. Sd/- Chongtuozing General Secretary Sd/- J.L. Sawmi President

Boost up your energy to overcome tiredness with INSTANT Z.

Instant Z provides you- daily requirements of calories from carbohydrates. readily gets assimilated and emits energy to overcome tiredness. vital element for healing wound, transfer of energy and desire for food during convalescence. helps against stress and strains through overworking, leading to increased resistance to infection. great taste in orange flavour and special zinc for all kinds of ages. -available at all leading medical stores....

CHANCHINBU FETHLENGA LAWMTHU HRILNA

Asthma natnain hun sawt ka ta kamdawna a, inthuk harsa ka ti a, ka imu thei naw a, ka kut ke a hung zeng a, ka hung inkul rak rak a, ka taksa a hung sawl a, kan thin a, ka thuk a hung inrang hlak. Hi lei hin M.V. Azad Phusam ka pan a, a mi enkawl a, tuhni ka hung dam tah. Hi lei hin ka lawm hle a, hi chanchinbu fethleng hin MV Azad Phusam chungah lawmthu ka hung hril. Pan theina hmun: Teddim Road, Old Bazar, Lamka ICI Church Road Pan thei hun : 8 AM to 4PM Lawmthu hriltu, Sd/- Nanao, Old Bazar, CCPur Contact No. 8014025567/ 7628890261

